



# SLUŽBENE NOVINE GRADA ZENICA

GODINA XLIII  
Broj 7

Petak 09.06.2017. godine

ISSN 1840-4588

## GRADSKO VIJEĆE

69.

Na osnovu člana 11. stav 2. i člana 21. stav 1. Statuta Grada Zenica ("Službene novine Grada Zenica", broj 5/15) Vijeće Grada Zenica na osmoj sjednici održanoj dana 25. maja 2017. godine donosi

### ODLUKU

**o davanju naziva Gradskoj areni Zenica po imenu rahmetli Husejina Smajlovića**

#### Član 1.

Sportskoj dvorani "Gradska arena Zenica" daje se naziv po imenu istaknute ličnosti rahmetli Husejina Smajlovića, prvog gradonačelnika Grada Zenica.

Sportska dvorana nosiće naziv:

**Gradska arena "Husejin Smajlović" u Zenici.**

#### Član 2.

Za realizaciju ove odluke zadužuju se Služba kabineta Gradonačelnika i Javno preduzeće za upravljanje i održavanje sportskih objekata d.o.o. Zenica koje upravlja ovim objektom.

#### Član 3.

Ova odluka stupa na snagu danom donošenja, a objaviće se u "Službenim novinama Grada Zenica" i na web stranici Grada.

Broj: 01-49-6115/17

Zenica, 25.05.2017. godine

PREDSJEDAVAJUĆA  
GRADSKOG VIJEĆA ZENICA  
*Sanja Renić, s.r.*

70.

Na osnovu člana 106. Zakona o zaštiti i spašavanju ljudi i materijalnih dobara od prirodnih i drugih nesreća („Službene novine F BiH“, broj:39/03, 22/06 i 43/10), te člana 21. tačka 2. Statuta Grada Zenica („Službene novine Grada Zenica“, broj:5/15), Gradsko vijeće Zenica na nastavku osme sjednice održane 26. maja 2017. godine, donijelo je

### ODLUKU

**o izmjenama i dopunama Odluke o formiranju Općinskog štaba civilne zaštite Zenica**

#### Član 1.

U Odluci o formiranju Općinskog štaba civilne zaštite Zenica („Službene novine općine Zenica“, broj:04/04) s ciljem usklađivanja iste sa Statutom Grada Zenica („Službene novine Grada Zenica“, broj:5/15) u naslovu Odluke o formiranju Općinskog štaba civilne zaštite Zenica (u daljem tekstu: Odluka) riječ „Općinskog“ zamjenjuje se rječju „Gradskog“.

U svim odredbama Odluke riječ „Načelnik općine“ zamjenjuje se rječju „Gradonačelnik“ u odgovarajućem padežu.

U svim odredbama Odluke riječ „Općinski“ zamjenjuje se u odgovarajućem padežu i rodu rječju „Gradski“.

#### Član 2.

U članu 4. stav 1. briše se tekst „i osam članova“ i zamjenjuje se tekstom „načelnika i članove štaba“.

U članu 4. stav 3. briše se tekst „i drugi rukovodni službenici iz općinskih Službi, u skladu sa aktom o unutrašnjoj organizaciji štabova, kojeg donosi Načelnik općine“ i zamjenjuje tekstom „i predstavnici drugih organa Grada i pravnih lica, u skladu sa Pravilnikom o unutrašnjoj organizaciji i funkcionisanju štaba civilne zaštite Grada Zenica, kojeg donosi Gradonačelnik“.

**Član 3.**

Ova Odluka stupa na snagu osmog dana od dana objavljivanja u „Službenim novinama Grada Zenica“.

Broj: 01-01-7040/17

Zenica, 26.05.2017. godine

**PREDSJEDAVAJUĆA  
GRADSKOG VIJEĆA ZENICA  
Sanja Renić, s.r.**

**71.**

Na osnovu člana 10. stav 2. Zakona o porezu na promet nekretnina („Službene novine ZE-DO kantona”, broj: 6/09 i 5/13), člana 34. Statuta Grada Zenica („Službene novine Grada Zenica”, broj: 5/15) i člana 2. Pravilnika o načinu rada stručne komisije i kriterijuma na osnovu kojih se vrši utvrđivanje tržišne vrijednosti nekretnina na području općine Zenica („Službene novine općine Zenica”, br.5/09), Gradsko vijeće Zenica na sedmoj sjednici održanoj 11. maja 2017. godine, donijelo je

**RJEŠENJE  
o imenovanju stručnih komisija za  
utvrđivanje prometne vrijednosti nekretnina  
na području Grada Zenica**

**I**

Imenuju se stručne komisije za utvrđivanje prometne vrijednosti nekretnina (u daljem tekstu: komisije) u sastavu kako slijedi:

I – Komisija u sastavu:

1. Elmas Muratović, dipl. pravnik, predsjednik
2. Senada Sejmenović, dipl. ing. poljoprivrede, članica,
3. Emilija Pašalić, dipl. ing.arhitekture, članica.

II – Komisija u sastavu:

1. Bisera Išović, dipl. pravica, predsjednica,
2. Amra Mehmedić, dipl.ecc, članica,
3. Saudin Arnaut, dipl. ing.geodezije, član.

**II**

Naknada za rad Komisije utvrđuje se u neto iznosu od 15,00 KM (po 5,00 KM za predsjednika i članove) za svaki riješeni predmet.

**III**

Isplata naknade iz tačke II ovog rješenja će se vršiti mjesečno, a na osnovu izvještaja o radu Komisije kojeg predsjednik Komisije dostavlja Službi za privredu i finansije na obračun i plaćanje.

Gradonačelnik može imenovati osobu koja će biti zadužena za komunikaciju sa Poreznom ispostavom Zenica i za koordinaciju rada komisija.

**IV**

Sredstva iz tačke II ovog rješenja obezbjeđuju se u Budžetu Grada Zenica.

**V**

Stupanjem na snagu ovog rješenja prestaje da važi Rješenje o imenovanju stručnih komisija za utvrđivanje prometne vrijednosti nekretnina na području Grada Zenica („Službene novine Grada Zenica”, br. 2/15).

**VI**

Ovo rješenje stupa na snagu danom objavljivanja u „Službenim novinama Grada Zenica”.

Broj: 01- 01-6129/17

Zenica, 11.05.2017. god.

**PREDSJEDAVAJUĆA  
GRADSKOG VIJEĆA ZENICA  
Sanja Renić, s.r.**

**GRADONAČELNIK****72.**

Na osnovu člana 13. stav 1. alineja 9. i člana 119. stav 2. alineja 11. Zakona o zdravstvenoj zaštiti (Službene novine FBiH”, broj : 46/10 i 75/13), člana 10. tačka 5. Zakona o zaštiti stanovništva od zaraznih bolesti Federacije BiH ( „Službene novine FBiH”, broj 29/05) i Zaključka Vlade Zeničko-dobojskog kantona o usvajanju Programa provođenja proljetne faze obavezne preventivne sistematske deratizacije,dezinfekcije i dezinskekcije na području Zeničko-dobojskog kantona u 2017. godini , broj: 11-37-6674/17 , Naredbe o provođenju obavezne preventivne sistematske deratizacije, dezinfekcije i dezinskekcije na području Zeničko-dobojskog kantona – proljetna faza 2017. godine i člana 34. stav 1. tačka 6. Statuta Grada Zenica („Službene novine Grada Zenica“, broj: 5/15), Gradonačelnik donosi

**NAREDBU****o provođenju obavezne preventivne sistematske deratizacije, dezinfekcije i dezinsekcije na području Grada Zenica – proljetna faza 2017. godine****I**

Obavezna preventivna sistematska deratizacija, dezinfekcija i dezinsekcija na području Grada Zenica – proljetna faza 2017. godine, provest će se u periodu od 15.05. do 30.05.2017. godine.

**II**

Obaveznu preventivnu sistematsku deratizaciju, dezinfekciju i dezinsekciju će organizovati i sprovesti, prema ovjerenom rasporedu, JU Institut za zdravlje i sigurnost hrane Zenica.

**III**

Stručni nadzor nad provođenjem preventivne sistematske deratizacije na površinama i objektima u javnom sektoru, obaviti će Higijensko – epidemiološka služba JU „Dom zdravlja“ Zenica.

**IV**

Obaveznom preventivnom sistematskom deratizacijom će biti obuhvaćeni sljedeći objekti i površine:

1. Javne i zelene površine u pojasu naselja sa koncentrisanim stanovništvom (gradska naselja)
2. Obale površinskih vodotokova u gradskim i prigradskim zonama
3. Centralne deponije kao i nezvanična (neorganizovana) smetlišta u gradskim naseljima
4. Vaspitno – obrazovni i kulturni objekti i njihovi prostori
5. Kolektivni centri za smještaj i boravak izbjeglih i prognanih lica
6. Objekti javnih zdravstvenih ustanova
7. Javne ustanove administrativnog karaktera
8. Individualne stambene zgrade u privatnom vlasništvu u užim zonama gradskih naselja
9. Vjerski objekti i groblja u gradskim naseljima
10. Kanalizacione mreže sa šahtovima i izlivnim kolektorima

11. Objekti i površine javnih preduzeća i organizacija i svih fizičkih, pravnih i ostalih lica uključujući sve uslužne djelatnosti
12. Stacionirani objekti i sredstva javnog saobraćaja
13. Objekti za proizvodnju i promet živežnih namirnica i predmeta opće upotrebe (korisnici i vlasnici istih)
14. Objekti za pružanje usluga javne higijene i
15. Zajednički prostori stambenih zgrada (podrumi i tavani).

**V**

Troškove obavezne preventivne sistematske deratizacije pod rednim brojem 1. do 9. snose Kanton i Grad Zenica iz svojih budžeta, a troškove pod rednim brojevima 10. 11. 12. 13. 14. i 15. snose subjekti koji njima upravljaju.

**VI**

Subjekti koji podliježu provođenju obavezne preventivne sistematske deratizacije dužni su obezbijediti nesmetan rad izvođačima bez obzira na parcijalne radove i ugovore koje posjeduju, a koji se stavljaju van snage za vrijeme trajanja akcije. Subjekti koji ne budu poštovali obaveze iz Naredbe će biti sankcionisani prema važećim propisima.

**VII**

Kontrolu izvođenja akcije obavezne preventivne sistematske deratizacije na području Grada Zenica će provoditi gradski sanitarni inspektori: Meliha Bečić i Samira Imamović.

**VIII**

Naredba stupa na snagu danom donošenja, a objavit će se u „Službenim novinama Grada Zenica“ i putem sredstava informisanja.

Broj: 02-37-5782 /17

Zenica, 18.05.2017. godine

**GRADONAČELNIK**

**Fuad Kasumović, s.r.**

73.

Na osnovu člana 34. stav 6. i člana 117. Statuta Grada Zenica ("Službene novine Grada Zenica", broj: 5/15) i člana 17. stav 11. Statuta Zeničke razvojne agencije ZEDA, Gradonačelnik donosi

**RJEŠENJE****o razrješenju direktora Zeničke razvojne agencije ZEDA****I**

Razrješava se funkcije direktora Zeničke razvojne agencije ZEDA Muhsin Ibrahimagić, zbog isteka menadžerskog ugovora broj: 02-14-9196/13 od 23.05.2013. godine.

**II**

Ovo rješenje stupa na snagu danom donošenja, a objavit će se u "Službenim novinama Grada Zenica".

Broj: 02-34-5772/17

Zenica, 11.05.2017. godine

GRADONAČELNIK  
*Fuad Kasumović, s.r.*

74.

Na osnovu člana 10. tačka 4. Zakona o udružnjima i fondacijama ("Službene novine FBiH", broj: 45/02) i člana 34. tačka 6. Statuta Grada Zenica ("Službene novine Grada Zenica", broj 5/15), Gradonačelnik, donosi

**ZAKLJUČAK  
o odobravanju korištenja imena Grada Zenica u nazivu udruženja****I**

Odobrava se korištenje imena Grada "Zenica" u nazivu novog Udruženja kluba fudbala KF "Zenica".

**II**

Ovaj zaključak stupa na snagu danom donošenja, a objavit će se u "Službenim novinama Grada Zenica".

Broj: 02- 49-5084/17

Zenica, 08.05.2017. godine

GRADONAČELNIK  
*Fuad Kasumović, s.r.*

75.

Na osnovu člana 10. tačka 4. Zakona o udružnjima i fondacijama ("Službene novine FBiH", broj: 45/02) i člana 34. tačka 6. Statuta Grada Zenica ("Službene novine Grada Zenica", broj 5/15), Gradonačelnik, donosi

**ZAKLJUČAK  
o odobravanju korištenja imena Grada Zenica u nazivu udruženja****I**

Odobrava se korištenje imena Grada "Zenica" Udruženju poslodavaca ZE-DO kantona i naziv istog glasi: "Udruženje poslodavaca Grada Zenice".

**II**

Ovaj zaključak stupa na snagu danom donošenja, a objavit će se u "Službenim novinama Grada Zenica".

Broj: 02- 49 -7120/17

Zenica, 31.05.2017. godine

GRADONAČELNIK  
*Fuad Kasumović, s.r.*

76.

Na osnovu člana 34. stav 6. i člana 117. Statuta Grada Zenica („Službene novine općine Zenica” broj: 5/15) i člana 17. stav 15. Statuta Zeničke razvojne agencije, Gradonačelnik donosi:

**ZAKLJUČAK  
o davanju saglasnosti za prijem volontera****I**

Daje se saglasnost Zeničkoj razvojnoj agenciji ZEDA Zenica, za prijem volontera sa visokom stručnom spremom na period od dvanaest mjeseci, radi obavljanja pripravnčkog staža.

Prijem volontera će se obaviti putem Javnog konkursa.

**II**

Posebnim aktom formirat će se Komisija sa zadatkom da sačini formu Javnog konkursa za provođenje procedure prijema volontera i utvrđivanje broja volontera kao i rasporeda volontera u Gradskoj upravi, Agenciji ZEDA, Javnim preduzećima i Javnim ustanovama.

**III**

Sredstva za sufinansiranje realizacije projekta iz člana I ovog zaključka Agenciji ZEDA, obezbijedit će se u Budžetu Grada Zenica za 2017.godinu o čemu će se donijeti poseban zaključak.

**IV**

Za realizaciju ovog Zaključka zadužuju se Zenička razvojna agencija ZEDA Zenica i Služba za privredu i finansije.

**V**

Ovaj zaključak stupa na snagu danom donošenja i objavit će se u "Službenim novinama Grada Zenica".

Broj: 02-49-6254/17/2017.

Zenica, 19.05.2017. godine

**GRADONAČELNIK**

*Fuad Kasumović, s.r.*

-----

77.

Na osnovu člana 34. stav 6. i člana 117. Statuta Grada Zenica („Službene novine općine Zenica” broj: 5/15), Zaključka Gradonačelnika o davanju saglasnosti za prijem volontera broj: 02-49-6254/2017 od 19.05.2017. godine člana 17. stav 15. Statuta Zeničke razvojne agencije, Gradonačelnik donosi:

**RJEŠENJE****o formiranju Komisije za izbor volontera****I**

Formira se komisija za izbor volontera za 2017. godinu u sastavu:

1. Almira Baručija, Grad Zenica - predsjednik
2. Dajić Emira, Grad Zenica - član
3. Redžić Miralem, Grad Zenica - član
4. Pašalić Senad, Agencija ZEDA - član
5. Alijagić Fatima, Agencija ZEDA - član

**II**

Zadatak komisije je pripremi Javni konkurs kao i da donese akt kojim će definisati kriterije za bodovanje svih kandidata koji se prijave na konkurs.

Na osnovu utvrđenih kriterija, Komisija će izvršiti rangiranje prijavljenih kandidata, a sa kandidatima koji uđu u uži izbor, komisija po potrebi može obaviti intervju.

Komisija će o svom radu voditi zapisnik.

**III**

Komisija će sačiniti prijedlog rasporeda primljenih volontera u Gradsku upravu, Javna preduzeća i Ustanove kojima je vlasnik i osnivač Grad Zenica i u Agenciju ZEDA, te isti uputiti Gradonačelniku na usvajanje.

**IV**

Ovo rješenje stupa na snagu danom donošenja i objavit će se u "Službenim novinama Grada Zenica".

Broj: 02-49-6621/17/2017.

Zenica, 26.05.2017. godine

**GRADONAČELNIK**

*Fuad Kasumović, s.r.*

-----

78.

Na osnovu člana 34. stav 6. Statuta Grada Zenica ("Službene novine općine Zenica" broj 5/15) i člana 16. Odluke o organizaciji općinske uprave ("Službene novine općine Zenica" broj 3/02-prečišćen tekst), na osnovu člana 18. Statuta Agencije ZEDA, na prijedlog Službe za privredu i finansije, Gradonačelnik donosi:

**ZAKLJUČAK****o imenovanju komisije za prijem korisnika i praćenje procesa inkubiranja Biznis inkubatora i technoPark-a Zenica****I**

Formira se Komisija u sastavu:

- Amra Mehmedić - predsjednik
- Suvad Dizdarević - član
- Aida Pašalić-Uzunović - član
- Sanel Ibrić - član
- Mirza Sikirić - član

**II**

Zadatak Komisije je da, u skladu sa "Pravilnikom o kriterijima za izbor korisnika, proceduri izbora korisnika i uslovima za korištenje prostora i usluga Biznis inkubatora (BIZ) i TechnoPark-a (TPZ)" i u skladu sa ostalim aktima Agencije ZEDA, vrši ocjenu opravdanosti zahtjeva za korištenje prostora i usluga BIZ-a i TP-a i donosi stav o opravdanosti daljeg



ostanka pojedinih korisnika u poslovnim prostorima i korištenja usluga koje korisnicima pruža Agencija ZEDA.

### III

O svom radu komisija vodi zapisnik. Svoje zaključke i prijedloge Komisija dostavlja direktoru Agencije na usvajanje.

Za realizaciju prijedloga i zaključaka zadužuju se Agencija ZEDA i Služba za privredu i finansije.

Svu tehničku podršku komisiji pruža Agencija ZEDA.

### IV

Ovim Zaključkom stavlja se van snage Zaključak broj 02-14-8243/15. od 28.04.2015.godine.

### VI

Ovaj zaključak stupa na snagu danom donošenja i objavit će se u "Službenim novinama Grada Zenica".

Broj: 02-49-5363/17/17.

Zenica, 08.05. 2017. godine

GRADONAČELNIK  
*Fuad Kasumović, s.r.*

### 79.

Na osnovu člana 34. stav 6. i člana 117. Statuta Grada Zenica ("Službene novine Grada Zenica" broj 5/15) i člana 6. Zakona o javnim preduzećima ("Službene novine FBiH" broj 8/05), Gradonačelnik donosi,

## ZAKLJUČAK

### o davanju saglasnosti na odluku o usvajanju Cjenovnika usluga

#### I

Daje se saglasnost na Odluku o usvajanju Cjenovnika usluga broj 691/17 od 05.05.2017.godine koji je utvrdio Nadzorni odbor JP "Tržnica" d.o.o. Zenica.

#### II

Za realizaciju ovog zaključka zadužuje se menadžment Javnog preduzeća "Tržnica" d.o.o. Zenica

### III

Ovaj zaključak stupa na snagu danom donošenja i objavit će se u „Službenim novinama Grada Zenica“.

Broj: 02-49-5621/17

Zenica, 10. 05. 2017. godine

GRADONAČELNIK  
*Fuad Kasumović, s.r.*

### 80.

Na osnovu člana 59. Zakona o budžetima u FBiH ("Službene novine FBiH", broj 102/13, 9/14, 13/14, 8/15, 91/15 i 102/15 i 104/16 ), člana 34. Statuta Grada Zenica ("Službene novine Grada Zenica", broj 5/15), člana 29. Odluke o izvršavanju Budžeta Grada Zenica za 2017. godinu ("Službene novine Grada Zenica", broj 5/17) i Uputstva Općine Zenica o restrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na prijedlog Sektora za poslove mjesnih zajednica, Gradonačelnik Zenice donosi

## ZAKLJUČAK o preraspodjeli sredstava u Budžetu Grada Zenica za 2017. godinu

#### I

Odobrava se preraspodjela sredstava Budžeta Grada Zenica za 2017. godinu ("Službene novine Grada Zenica", broj 5/17) na organizacionom kodu 43010001 – Sektor za poslove mjesnih zajednica.

#### II

Preraspodjela sredstava iz tačke I vrši se na sljedeći način:

#### Umanjuje se:

- ekonomski kod 611100, funkcija 0111, budžetska pozicija 266 – "Bruto plaće i naknade plaća" za iznos od 2.500,00 KM .

#### Povećava se:

- ekonomski kod 614300, funkcija 0491, budžetska pozicija 277 – "Sufinansiranje u projektima jačanja lokalne samouprave i uloge MZ" za iznos od 2.500,00 KM .

#### III

Za realizaciju ovog Zaključka zadužuju se Sektor za poslove mjesnih zajednica i Služba za privredu i finansije.

## IV

Ovaj Zaključak stupa na snagu danom donošenja, a objavit će se u "Službenim novinama Grada Zenica".

Broj: 02-14-6776/17

Zenica, 30.05.2017. god.

GRADONAČELNIK  
*Fuad Kasumović, s.r.*

-----

## 81.

Na osnovu člana 59. Zakona o budžetima u FBiH ("Službene novine FBiH", broj:102/13, 9/14, 13/14, 8/15, 91/15, 102/15 i 104/16, člana 34. Statuta Grada Zenica ("Službene novine Grada Zenica", broj 5/15), člana 29. Odluke o izvršavanju Budžeta Grada Zenica za 2017. godinu ("Službene novine Grada Zenica", broj:5/17 i Uputstva Općine Zenoica o prestrukturiranju i preraspodjeli odobrenih budžetskih sredstava, broj: 02-14-20277/13 od 13.11.2013. godine, na prijedlog Stručne službe Gradskog vijeća, Gradonačelnik Zenice, donosi

**ZAKLJUČAK**  
**o preraspodjeli sredstava u Budžetu Grada Zenica za 2017. godinu**

## I

Odobrava se preraspodjela sredstava Budžeta Grada Zenica za 2017. godinu ("Službene novine Grada Zenica", broj:5/17) na organizacionom kodu 33010001 - Stručna služba Gradskog vijeća.

## II

Preraspodjela sredstava iz tačke I vrši se na sljedeći način:

**Umanjuje se:**

- ekonomski kod 613900, funkcija 0111, budžetska pozicija 24 - "Ugovorene i druge posebne usluge" za iznos od 2000,00 KM.

**Povećava se:**

- ekonomski kod 613400, funkcija 0111, budžetska pozicija 22 - "Nabavka materijala i sitnog inventara" za iznos od 2000,00 KM.

## III

Za realizaciju ovog zaključka zadužuju se Stručna služba Gradskog vijeća i Služba za privredu i finansije.

## IV

Ovaj zaključak stupa na snagu danom donošenja, a objavit će se u "Službenim novinama Grada Zenica.

Broj: 02- 14-6297/17

Zenica, 17.05.2017. godine

GRADONAČELNIK  
*Fuad Kasumović, s.r.*

-----

## 82.

Na osnovu člana 34. stav 6. i člana 117. Statuta Grada Zenica ("Službene novine općine Zenica" broj 5/15) i člana 17. stav 7. Statuta Zeničke razvojne agencije, Gradonačelnik donosi:

**ZAKLJUČAK**

**o davanju saglasnosti na izmjenu dijela Pravilnika o organizaciji sa sistematizacijom i opisom poslova**

## I

Daje se saglasnost Agenciji ZEDA da izvrši izmjenu Pravilnika o organizaciji sa sistematizacijom i opisom poslova Zeničke razvojne agencije ZEDA d.o.o. broj: 02-49-24227/15. od 30.12.2015. godine, i to u članu 15. dijelu koji se odnosi na izmjenu koeficijenata radnih mjesta.

Izmijenjena sistematizacija čini sastavni dio ovog Zaključka.

## II

Ovaj zaključak stupa na snagu danom donošenja i objavit će se u "Službenim novinama Grada Zenica".

Broj: 02-49-24227//17.

Zenica, 05.05.2017. godine

GRADONAČELNIK  
*Fuad Kasumović, s.r.*

-----

# SADRŽAJ

## GRADSKO VIJEĆE

69. Odluka o davanju naziva Gradskoj areni Zenica po imenu rahmetli Husejina Smajlovića 1
70. Odluka o izmjenama i dopunama Odluke o formiranju Općinskog štaba civilne zaštite Zenica 1
71. Rješenje o imenovanju stručnih komisija za utvrđivanje prometne vrijednosti nekretnina na području Grada Zenica 2

## GRADONAČELNIK

72. Naredba o provođenju obavezne preventivne sistematske deratizacije, dezinfekcije i dezinskcije na području Grada Zenica – proljetna faza 2017. godine 2
73. Rješenje o razrješenju direktora Zeničke razvojne agencije ZEDA 4
74. Zaključak o odobravanju korištenja imena Grada Zenica u nazivu udruženja 4
75. Zaključak o odobravanju korištenja imena Grada Zenica u nazivu udruženja 4
76. Zaključak o davanju saglasnosti za prijem volontera 4
77. Rješenje o formiranju Komisije za izbor volontera 5
78. Zaključak o imenovanju komisije za prijem korisnika i praćenje procesa inkubiranja Biznis inkubatora i technoPark-a Zenica 5
79. Zaključak o davanju saglasnosti na odluku o usvajanju Cjenovnika usluga 6
80. Zaključak o preraspodjeli sredstava u Budžetu Grada Zenica za 2017. godinu 6
81. Zaključak o preraspodjeli sredstava u Budžetu Grada Zenica za 2017. godinu 7
82. Zaključak o davanju saglasnosti na izmjenu dijela Pravilnika o organizaciji sa sistematizacijom i opisom poslova 7